

Di Raspo, di sier Ulivier Contarini, capetanio. Come à, per uno suo mandato im Bossina, esser reduti turchi X milia, quali dieno venir in Friul etc.

Di Vegia, dil proveditor, di 23. Come à mandà Barbuio, contestabele, con fanti a Veia; et di l'armar di la fusta, dice li danari non bastano, et li homeni è preparati.

Di Ferara, dil vicedomino, di 24. Come il ducha era ritornà dal Bondem, dove fu il marchexe di Mantoa incognito a parlarli; et poche zente passa per Modena et Grafignana; li capi francesi sono rimasti a Pietra Santa. Item, si dice il papa non sta bene, et il signor à mandà domino Zuan Valla, suo orator, venuto di Franza, a Mantoa. Item, francesi hanno fato gran danno su quel di Lucha.

Di Cremona, di proveditori. Mandano una relation di le cosse di Mantoa, li han ditto domino Vetur da Martinengo, da Brexa, qual è stato li a Mantoa etc.

Fu posto per li savij tutti, atento il re di romani habbi dimandà per sue letere di 8 luio, di uno caso seguito di do fratelli, uno contra l'altro, nel conta' de Tyrol, qual è fuzito in le terre nostre, e lo dimanda, se li dagi, justa li capitoli è con li duchi de Austria e conti de Tyrol; et etiam, che uno Gasparo dimanda li sia dato in le man, che li sia consignato etc. Et have tutto il conseio.

Fu posto per li consieri la gracia di sier Andrea e sier Zacharia Balbi, quondam sier Stai, debitori di la Signoria nostra, di pagar in termeni etc., et di pro'. Et sier Andrea Balbi, era 40, andò in renga per parlar; non fu lassato. Andò la parte: have 44 di no, 120 di sì, 0 preso. Iterum: 55 di no, 114 de sì, et nulla preso. Vol i do terzi; anderà a uno altro conseio.

Fu posto per li savij dil conseio e di terra ferma, risponder a l' orator dil papa, che il papa mandi lui a Faenza a dimandar etc.; e, si pur li par, nui manderemo uno nostro segno. Sier Hironimo Querini, era di pregadi, andò a contradir. Li rispose sier Piero Balbi, savio dil conseio. Et sier Antonio Trum, el consier, messe de indusiar. Et cussi d'acordo li savij volseno indusiar.

Fu leto la parte di scriver in Hongaria per le do opinion, et ditto luni sarà pregadi, et si baloterà le parte, atento ozi fa la luna, et è mal tratar tal materia.

Fu leto per li savij dil conseio e terra ferma una parte, che li doctori da Padoa, medici, non possino venir qui e lassar le lecture, salvo per il principe; e, venendo, li cora ducati X al zorno di pena. Et li consieri non volseno fusse ballotà, et tolseno rispetto.

El principe si parti, et fu fato do provedadori, uno a Castel Liom, l'altro a Casal Mazor. Il scurtinio è questo:

168	<i>Electo provedador a Castel Liom.</i>	211*
	Sier Bernardo Zane, fo cataver, quondam sier Hironimo.	61.104
	Sier Nicolò di Prioli, fo camerlengo a Verona, quondam sier Domenego	56.105
	Sier Marco Paradiso, fo ai 3 savij, quondam sier Zusto	40.128
	Sier Antonio da Mulla, fo zudexe di propio, di sier Pollo	58.108
†	Sier Lauro Venier, fo a la chamera d'imprestidi, quondam sier Marco	95. 65
	Sier Nicolò Fero, fo provedador a Peschiera, quondam sier Nicolò.	33.133
	Sier Agustim Valier, el 40, quondam sier Bertuzi	64.101
	Sier Filippo Paruta, fo al dazio dil vin, di sier Domenego	27.135
	Sier. Hironimo Zantani, fo podestà a Malvasia, quondam sier Lunardo	24.138
	Sier Daniel da Canal, fo capetanio a Raspo, quondam sier Piero	89. 74
	Sier Domenego Morexini, fo zudexe di propio, quondam sier Marin	53.109
	Sier Lunardo Mocenigo, fo cao di 40, di sier Thomà	65. 97
	Sier Beneto Vituri, fo auditor nuovo, quondam sier Zuane	69. 97
	Sier Giacomo Donado, el grando, quondam sier Carlo	68. 90
	Sier Zuan Matio Girardo, fo auditor vecchio, quondam sier Francesco	39.127
	Sier Marin Sanudo, savio ai ordeni, quondam sier Lunardo	64.104
	Sier Francesco Duodo, fo cao di 40, quondam sier Lunardo	69. 97
	Sier Beneto Emo, fo a la chamera d'imprestidi, quondam sier Bertuzi	86. 77
	Sier Francesco Valaresso, fo consolo di merchadanti, quondam sier Ferigo	42.120
	Sier Hironimo da cha' da Pexaro, fo provedador a Pizegaton, de sier Fantin.	50.114
	Sier Giacomo Contarini, fo provedador sora l'armar, de sier Piero	72. 87